

## Galatia

<sup>1</sup> Ic onarunec me ic ménénéh zéyec niñac qahac, néh Yesu zéma i humuc igucnec meqelimiyeac Anutu mañgoc ierené méli néñu hahaya Yesuac Méliméli ic Paulo neñ imi <sup>2</sup> ninzéh ninzéh dacmuna hécna moczoñ niguc keczu iniguc momacnec hénaorin Galatia baeciguc kecma kenzu onac muru <sup>3</sup> neñañ Anutu mañgocnina zéma Miñ Kewunina Yesu Kristo iorarunec ewa hia zéma luaenéh hama he énécmimac niñac wanzin. <sup>4</sup> Kristonéh Anutu neñañ mañgocninawac ewa siña méndacma neñañ baec yomuac hicñisai biria yomuacnec metecgé nénécmimané zé késpedesicnina niñac wamma eñeya séwi kekecyá wai nénécmiyec. <sup>5</sup> Imuac iwac muru edamuya teteçgia qahac hema emma hema kecmac. Hélaçnec!

*Buñá suruc hiabia imi méné  
ménda hezac.*

<sup>6</sup> Ini Anutunéh Kristoac ewa hiayaiguc un-uruma énépésiyec, wañu ini focnec i waima ackuazéc tanera méniguc kendaczu imuac niñ welicgé énécmizua. <sup>7</sup> Wañu imi buñá suruc hiabia méné ménda wanzac, néh ic tosia ienené mesoho énécmima Kristoac buñá suruc hiabia imi zébirigic tanera méné wañanzac. <sup>8</sup> Wañu nenené

me kua meme uña mén kurumenḡ igucnec ha-hayanén buña suruc hiabia énézéyiḡ imi meso-homa ménac énézémaciguc imi saecginaguc wandacmac. <sup>9</sup> Walac énézéyi imuacnec mia deguc muḡguc énézéua. Ménénén mén buña suruc hiabia walac nimma késagic imi qahac, nén ménac énézémaciguc imi saecyaguc wammac.

<sup>10</sup> Ni degucmi icnéḡ niḡgic sécgémac niḡac wanzua me Anutunén niḡu sécgémac niḡac wanzua? Ni ic ienenḡ welicgé némmu niḡac zézua me? Ni ic ienenḡ niḡgic sécgémac niḡac zéwinec imi Kristoac welenḡ qeḡe icya héla ménda wambinec.

*Anutunén Paulo dimuhuc héihéré miyec imuac suruc.*

<sup>11</sup> Dacmuna hécna, enenḡ niḡtecgicmu niḡac énézéua, buña suruc hiabia zéauanzua imi ic ménac ewa siḡ méndacmimia qahac. <sup>12</sup> Imi mia ni ic ménac murunec ménda meyi me ic ménénén ménda ku néḡec, nén Yesu Kristo eneyaoc measari néḡu iwarunec meyi.

<sup>13</sup> Ni becneḡ Yuda ic ionac héná tima kerimuaru, ini niḡgic ésécneḡ Anutuac hénáorinḡ réwérianec ununesi waḡ énécmima mebiri énécmiyi. <sup>14</sup> Waḡu ni imi yawuḡ momachécna sasala onogicma Yuda ic ionac héná imi selianec ninzéḡgéma yanda hécninawac ac pakenḡ mératéc memeya imuac seliseli wamma méndacaḡi. <sup>15</sup> Waḡu nenḡocnawac héri qeri igucnec gésinémma ewa hiaya niḡac wamma héihéré néḡec inénḡ mia <sup>16</sup> Naḡawac hénia imi ic enia ionac muru zéau énécmimanḡ niḡac, i ewa qerinaiguc ewa hia nimma mihicḡi néḡec nalé

imuaru, ni baec ic iniguc ménda eminiñi. <sup>17</sup> Wañu ic walac hénima Yesuac Méliméli ic ai megic ionac inicmanñ zé Yerusalem ménda kenji, néñ moczonñ Arabia baeciguc kemmaguc Damasiko amaiguc lilingéma kenji.

<sup>18</sup> Imuacnec kecma yawuñ haréwéc tecgéyu Petero (Kefa zémimia) hémmanñ zé Yerusalem ekemma i guc momacnec ai meme 15 keri. <sup>19</sup> Wañu nalé imuaru Yesuac Méliméli ic tosara ménda iniri, néñ Miñ Kewuninawac munaya Yakobo iwacnec héñi. <sup>20</sup> Héngic, ni onac niñ wamma kiwi ozua yomi imi ikoc qahac. <sup>21</sup> Imuac andiaiguc Siria zéma Kilikia baec keremba <sup>22</sup> Kristoac hénarorñ Yuda baeciguc keczu ienenñ becneç kic tanecna ménda héngic, néñ <sup>23</sup> ic ménñ nunuhéi wañec iminénñ deguc ninzénñ ninzénñ walac qeténgémanñ zé wañañec imuac mia deguc zéaukeczac imuac sac zégic niñgic. <sup>24</sup> Nimma nuac niñac Anutu mepésigic.

## 2

*Yesuac Méliméli ic ienenñ Paulo anjétima tétéçgémigic.*

<sup>1</sup> Ai yawuñ 14 tecgéyu neñ Banabaguc Tito wagicma munñguc Yerusalem ekenññ. <sup>2</sup> Imi mia Anutunénñ nézéyu hémma ekemma buñña suruc hi-  
 abia ic enia ionac sugginaiguc zéauañi imuacnec énézéyi. Énézéma aina memañac hezac imi zéma walac meyi imi momacnec héla qahac ménda wambac niñac qacgina kenkenña ionacnec sac énézéyi. <sup>3</sup> Wañu Girik ic Tito niguc momacnec kerec i acguc séwi tasia héricmac niñac ménda

zénanǵémiyi. <sup>4</sup> Imi mia dacmuna ikora tosara éléǵnec harégic ionac niǵac imuhuc waǵi. Ieneǵ imi Kristo Yesuac qeriaiguc hulacamuma kecziǵ imi kowu ninicma acnéǵ qaténénécmigic welen qeénécmiwiǵ niǵac imuhuc waǵgic. <sup>5</sup> Waǵu buǵa suruc hiabia imi onac sugginaiguc nalé séc hemac niǵac nalé hotoǵadac méǵ ionac ac niǵac ménda bélacgéyiǵ. <sup>6</sup> Qacgina niǵénécmigic keczu ionac sugginaiguc méǵac méǵ ewa éréhéc ménda waǵanzua. Anutu imi ic ionac séwigina tanerawac ménda hémma énépésianzac. Ic qacgina kenkeǵa ieneǵ méǵac méǵ ménda méra néǵgic, <sup>7</sup> néǵ néwécǵeǵaiguc Peteronéǵ séwiac asé kiwiginaguc ionac muru buǵa suruc hiabia énézémac niǵ ai buǵa qemiyec ésécnec ni imuhucyanec ic enia ionac ai buǵa qenéhéc imi héǵteǵgicgic. <sup>8</sup> Waǵu Petro qindiǵi mima séwi hericginaguc ionac Méliméli ic oporec inéǵ mia ni momacnec qindiǵi némma ic enia ionac Méliméli ic noporec. <sup>9</sup> Waǵu ai ic tandéya ésécnec zéma niǵénécmianzu Yakobo zéma Kefa zéma Yohane ieneǵ goi héihéiya nuac muru néǵu hezac imi héǵteǵgicma ni zéma Banaba imi ic enia ionac muru kenziac eǵaoc imi séwi tasé hericheric ginaguc ionac muru kembiyé zé niǵgic hiaruyu yaizézenira zéma méranira qegic. <sup>10</sup> Waǵu maqeqeya ionac niǵqeli énécmiwic imuacnec sac qesinércmigic. Waǵu haka silic imuhucya imi neǵ bec seliseli wamma meanǵi.

*Paulonéǵ Petro zéqeqetali wammiyec.*

<sup>11</sup> Waǵu Kefanéǵ Antiokia ama areǵaiguc hayec imuaru hakasilic Képésiraguc méǵ waǵu musu qeqe wammima ac zémiyi. <sup>12</sup> Walac

Yakoboac murunec ic tosara hagic ienen ménda harédacgicnec Kefanéj ic enia iniguc momacnec nene nema tarec, néj ic ienen hosucgé énécmigic séwi hericginaguc ionac bac yandi yandi wamma néngacma kejec. <sup>13</sup> Waņu Yuda ic tosara acguc toroqemima haka tilicqilicya waņgic, Banaba acguc ionac haka tilicqilic ginanéj hérémiyu sigima kejec. <sup>14</sup> Waņu hémba buņa suruc hi- abia imuac héná dindiņa hezac séc ménda tигic moczoņ yanda kicginaiguc Kefa\* yomuhuc ézéyi; Gi imi Yuda ic, waņu kilenj Yuda ic tanec qahac, néj ic enia tanec kecma némac niņac ic enia ienenj Yuda ic ionac héná méndacmu niņ seliseli wamma héihéré énécmikeczañ?

<sup>15</sup> Neņañ ic enia késpedesicguc kekera ionac murunec qahac, néj Yuda ic hicniyiņ. <sup>16</sup> Késpedesic solañ zémimia imi héná ac wawaņ memeya igucnec qahac, néj Yesu Kristo ninzégé mimia imuacnec hezac imi ninziņ. Imuac niņ nini acguc Kristo Yesu ninzégéañziņ. Imi mia nini héná ac wawaņ memeya igucnec qahac, néj Kristo ninzégé mini késpedesic solañ zénénécmimac imuac niņ mia. Héná acac wawaņ memeiguc séwi ic méņac méj késpedesic solañ zémimia méj ménda hezac. <sup>17</sup> Neņañ Yesu Kristoac qeriaiguc késpedesic solañ zé nénécmimia wammac niņ seliseli waņkecni késpedesicnéj mihicņi nénécmimaciguc, Kristonéj késpedesic imuac welenj qeqe ic wanzac me? Imi moczoņnec qahac! <sup>18</sup> Ni némac iwawai méj qema téngéyi imi muņguc meyac ku-

---

\* **2:14:** Kefa imi Hebiraio ac, Petero imi Girik ac, héniağira imi neņañ aciguc žamanziņ.

mumañiguc, hakana iminéñ measariyu nenaoc héna ac logilogi ic tanec wammañ. <sup>19</sup> Héna acnéñ zétecgéyu humuma héna ac igucnec añgén tiamuyi imi Anutuac kic hihi wamma qeliqeli kecmañ niñac imuhuc wañi. <sup>20</sup> Ni imi Kristoguc ic héñgeña wéndaraiguc nurugic humuyi. Imuac deguc keczua yomi imi nenaoc qahac, néñ qerinaiguc kecnénzac Kristo imi mia. Kekecna séwinaguc keczua imi goina héima nuac niñ wamma eñeya séwi kekecya waiyec Anutuac naña i ninzéhéma ninzéh ninzéh imuac qerai-guc keczua. <sup>21</sup> Ni Anutuac ewa hiaya imi ménda qetalizua. Képésic solañ wawaña imi héna ac igucnec haanzaciguc Kristonéh eñ humuyec tanec wammac.

### 3

#### *Ninzéh ninzéhac héna.*

<sup>1</sup> O Galatia ic qelaña! Yesu Kristo imi dimuhuc ic héñgeña wéndaraiguc qegic keñkecma humuyec imi dindiñanec zéasari énécmiwa nindacgic, néñ kileñ mérénéñ ewa soho meénécmizac? <sup>2</sup> Ni onac murunec haka momacguc sac qesinimmañ zé wanzua. Ini Uña Téréya imi héna ac tohoma megic me Yesu ninzéhéma megic? <sup>3</sup> Ini ewa soho wanzu me? Uña téréyaguc hénigic, néñ deguc Uña téréya waima séwiginawac siñiguc metecgéwiñ zé wanzu me? <sup>4</sup> Ini haka kuhaguc sasala imuhucya hicñi énécmiyu héngic imi héla qahac eñomia wanzac me? Imi hélacnec eñomia me? <sup>5</sup> Imuhuc wañu Anutu Uña téréya énécmima sugginaiguc kuc méréra mewininima kerec imi ta héna ac

tohotoho imuacnec me Yesu ninzéhégé mimia imuacnec? <sup>6</sup> Abarahamnéh Anutu ninzéhégéyu ic solañá zémimia wañec.

<sup>7</sup> Imuac ic embac ninzéh ninzéh igucnecnéñ Abarahamac qelihéra wanzu imi niñasarimu.

<sup>8</sup> Wañu Anutunéh ic enia ninzéh ninzéhgina niñac wamma solañá zé énécmimac imi walac niñasarima Abaraham buña suruc hiabia imi yomuhuc ézéma zéyec; Baera baera ic embac imi guac qerigaiguc mozocgé énécmimia wammac.

<sup>9</sup> Imuac ic embac ninzéh ninzéh igucnec ieneñ imi ninzéhégéma kecañec Abaraham i guc mozocgé énécmimia wammac. <sup>10</sup> Mérénéñ méñ héna ac wawaña imuac héima nanzu séc saecac méra bawu keczu imuhuc ooyawac hezac imuac niñ héna acac ai mezu séc saecac bawaiguc keczu.

<sup>11</sup> Wañu Anutuac kiwaiguc ic méñnéñ héna ac méndacma solañanimac ac séc qahac téngéh. Imi mia ic solañanéñ ninzéh ninzéhiguc sac kecmu.

<sup>12</sup> Héna ac imi ninzéh ninzéh igucnec hahaya qahac, imuac ic mérénéñ héna aciguc kiwi hezac imi méndacanzac inéh héna ac qeriaiguc kecmac. <sup>13</sup> Kristonéh neñañ niñac wamma saec ac zémimia wañec. Wañu héna acac saec ac igucnec mulu menéncmiyec. Imuac mia ic qa-

haiguc qegic nanaña séc saecac bawaiguc kekera imuhuc ooyawac hezac. <sup>14</sup> Imi mia Kristo Yesuac qeriaiguc Abarahamac mériañnéñ ic enia ionac muru kereñu neñañ ninzéh ninzéhiguc namma sisipac acac buña uña téréya nénéncmiyu añgéh tiwiñ niñac imuhuc wañec.

*Héna ac zéma sisipac ac.*

15 Dacmuna hécna, baec ic neñañ kecanziñ igucnec séséc mén héima zéwa. Icac sisipac ac acguc zétecgéni méñnéñ mén aumac me toro qemacac séc qahac wañanzac. 16 Wañu sisipac ac mén yomi mia Abaraham zéma qelia iorac muru zézéya wañec. Wañu sasala niñac qelihécga ménda zéma momacguc sac niñac zéma guac qeliga zéyec. Wañu imi mia Kristo. 17 Ni zézua imi yomuhuc niñac, Anutunéñ walac zéseliyec sisipac ac yomi imi mia Moseac héna ac yawuñ 430 tecgéyuguc hicñiyec iminéñ qeyu kemma héla qahac wammacac séc qahac. 18 Mératéc imi héna ac igucnec hayeciguc sisipac ac igucnec hahaya qahac, néñ Anutuac sisipac ac niñac wamma Abaraham ewa hiawac eñ miyec. 19 Imuhuc wañu bec héna ac imi némac niñac nénécmiyec me? Imi mia ac qeque niñac toroqe nénécmiyec. Imi mia kua meme uñanéñ ic suc Moseac méria igucnec nénécmiyec. Wañu hekeru sisipac acac buña Abarahamac qelianéñ hayu aiya tecgémacac heyec. 20 Ic momacguc sac keru ic suc imi aiya qahac. Wañu nécwécgeñaguc Anutu imi momacguc imuac mia Moseac ic suc zézua.

*Welenqege ichéra me  
nambérac héra?*

21 Wañu héna ac iminéñ Anutuac sisipac ac imi qéfacgézac me? Imuhuc wammacac séc qahac. Wañu héna ac kekec hémbénaña nénécmimac séc imuhucya nénécmiyeciguc solaña zémimia imi héna ac igucnec hawacnec, 22 Yesu Kristo ninzégégic énécmimanñ zéma zikiziki ac meyec imuac héla imi ninzén ninzén ic onac énécmimanñ



zé héná acac kiwi téréyanéh momac yanda kápésic bawaguc qaté énécmiyec.

<sup>23</sup> Becnec ninzéh ninzéh imi ménda hayec imuaru nini héná acac méra bawu qaté nénécmiyu kerin. Qaté nénécmiyunec kecni ninzéh ninzéh mewinini nénécmimiawac naléya hayec. <sup>24</sup> Nalé imuac suraiguc héná ac iminéñ neñañ ninzéh ninzéhñina niñac solañá zénénécmimia wammac niñac Kristoac muru keñkeñawac mindi mindiñi icnina éséc wamma kerec. <sup>25</sup> Deguc ninzéh ninzéhñac héla hayu mindi mindiñi icnina héná ac imuac méra bawu ménda kecanziñ.

<sup>26</sup> Ini moczoñ yanda ninzéh ninzéhñina niñac Yesu Kristoac qeriaiguc Anutuac nañhéra wamma keczu. <sup>27</sup> Némac niñ méñnéñ méñ Kristoac muru toroqema doku naec énécmimia wañec séc Kristo imi owo malekugina ésécnec héigic meénécmiyu keczu. <sup>28</sup> Wañu ini imi Yuda ic me, Girik ic me, hésa ic me, miñ mañgoc kekera me, welen qe qe ic me, ic me embac moczoñ Kristo Yesuac qeriaiguc momacguc wanzu. <sup>29</sup> Ini Kristoac buña keczuiguc imi ini Abarahamac qelihéra wanzu. Wañu sisipac aciguc namma ini mératéc imuac miñina wanzu.

## 4

<sup>1</sup> Wañu mératéc miñinanéh iwawai moczoñ imuac miñina wanzac, néñ nambérac kecmac imuac suraiguc imi welen qe qe icac sécyá ménda ogicmac. <sup>2</sup> Wañu mañgocyanéh naléya zéyec séc mindi mindiñi ic me ai ic kiwawac méra bawu

kecanzac. <sup>3</sup> Imuac neñañ acguc imuhuyanec, nambérac kerij nalé imuaru baecac héna tosia mamaya imuac welenj qeçe ic kerij. <sup>4</sup> Wañu nalé imi hahéiyu Anutunéñ naña méli nénécmiyu embacac héri qeri igucnec zéma héna acac méra bawu hicñiyec. <sup>5</sup> Imi mia héna acac méra bawu keczu nini boñhéré menénécmima Anutuac nañhéra imuac buña nénécmiyu aņgétiwij niñac imuhuc wañec. <sup>6</sup> Ini Anutuac nambérac wanzu imuac niñac Anutunéñ eñeya nañawac uña imi ewa qerinaiguc méli nénécmiyu Anutuac Aba mañgoc zéma qacanzij. <sup>7</sup> Imuac gi degucmuacnec welenj qeçe ic qahac, néñ naña kecanzañ. Wañu naña keczañiguc Anutuac murunec mératéc mema imuac miñina wamma keczañ.

*Paulonéñ Galatia ic ionac niñac goro ac énézéyec.*

<sup>8</sup> Ini bec imuaru imi Anutu ménda niñasarima iwawai Anutu héla qahac imuac welenj qeçegina kecgic. <sup>9</sup> Wañu deguc imi ini Anutu nizmizu, wañu imuacnec toroqema Anutunéñ ini niñénécmianzac. Wañu dimuhuc niñac niniñ eñomia mamaya\* baecac niniñ efefia imuac liliñgéma muñguc imuac ziki sipac ichéra kecbij zé wanzu? <sup>10</sup> Ini ai meme nalé zéma maso zéma kendoñ yanda zéma yawuñ imi eeya héima kecanzu. <sup>11</sup> Imuac ni onac niñac ai seliseli wamma

---

\* **4:9:** Ic onac kekecginanéñ uña ionac méra bawu hezac zéma niñzégégic, wañu imuac hénia imi ménni sikiluac kic taneraiguc hezac zéma imuac nimbij zé wañgic.

meyi imi héla qahac wambac niḡac bac yandi yandi wanzua.

<sup>12</sup> Dacmuna hécna ni onac séc wamma kecanzua imuac welec énécmima zézua, ini nuac séc wamma kecmu. Ini kecma hama haka biria ménḡ ménda waḡ néḡc. <sup>13</sup> Ni hénihéniaiguc imi hafi zepananéḡ waḡu onacmuru hama buḡa suruc hiabia zéauénécmiyi imi ini ninzu. <sup>14</sup> Nuac niḡc réwérimacac séc imuhucyanéḡ séwinaiguc heyec, néḡ mema titi ménda waḡ némma ni ménda wainéḡc, néḡ Anutuac kua meme uḡa me Kristo Yesuac séciguc niḡnémma héihéré néḡc. <sup>15</sup> Waḡu deguc ségiségigina imi dimia kendaczac? Ni héipuc ac héla énézéwa niḡc. Nalé imuhucḡeḡ imi wawaḡawac séc wambacnec kic gomacgina acguc hia néfindiḡéma némbuac séc waḡc. <sup>16</sup> Waḡu deguc imi ackuazéc héla énézéwa nuac niḡc hazécgina wanzua me? <sup>17</sup> Ic imuhuya imi eneḡ onac niḡ wamma seliseli wanzu imi hénia hiabiawac qahac, néḡ wéségina misigic tosara andé unuma kemma ionac muru qékétama niḡhumu énécmimu niḡac imuhuc waḡ énécmima keczu. <sup>18</sup> Haka hiabiawac qeri siḡinanéḡ wawaḡa imi ni iniguc kecanzua nalé imuac sac qahac, néḡ nalé séc hiabia wanzac. <sup>19</sup> Nambérac hécna ni onac niḡac wamma merac memeya ésécnec azi niyu qenzeḡ manzeḡ qemanec kecba ewa qeriginaiguc Kristoac kekec tanera imi hicḡi tegiruguc waimaḡ. <sup>20</sup> Ni onac niḡac aurima sicsaoc wanzua. Imuac nalé yomuaru focdac hama iniguc kecma ewana melemma bénzéhneḡ ac énézémaḡ niḡ waḡ néḡu keczu.

*Haga zéma Sara.*

<sup>21</sup> Nézégic nimba, héna acac méra bawu kecbiñ zé ninzu ini héna ac imi ménda niñtegiczu me? <sup>22</sup> Yomuhuc mia ogic hezac; Abaraham imi nañ hérera éréhéc keroc. Méñ imi embac sisipac acyaguc iwac murunec méñ imi embac sisipac acya qahac iwac murunec. <sup>23</sup> Welen qeçe embac iwac murunec imi séwi busu igucnec hicñihicñiya, néñ embac miñina iwac murunec imi sisipac ac qelia igucnec hicñihicñiya wanzac. <sup>24</sup> Ac yomi séséc ac wanzac. Embac éréhéc imi sisipac ac éréhéc, méñ imi Sinai baec boña imuaru welen qeçe ic mihicñiyec Haga imi mia. <sup>25</sup> Haga imi Sinai baec boña Arabiaiguc nanaña, Yerusalem deguc hezac imuac sésécya. Inéñ eñeya nambérac héra iniguc welen qeçe ic wamma keczu. <sup>26</sup> Wañu Yerusalem méñ kurumeniguc hezac imi ziki sipacya qahac hezac. Iminéñ mia neñgocnina wanzac. <sup>27</sup> Imuac mia yomuhuc ogic hezac; Embac euya qahac iwac qelihéranéñ embac euyaguc iwac nambérac héra ionac zañgégina ogiczac. Imuac niñac, o embac héfiña gi ségiségi wambésémañ! Azi ménda gianzac gi kucnec qacna! <sup>28</sup> Dacmuna hécna, ini Isaka ésécnec sisipac ac imuac nambérac héra wanzu. <sup>29</sup> Wañu nalé imuaru merac séwi igucnec hicñiyec inéñ merac uña téréya igucnec hicñiyec imi qenesi wammiyec séc deguc acguc imuhucyanec. <sup>30</sup> Wañu kiwi téréyanéñ dimuhuc zézac? Welen qeçe embac zéma naña nesi érécmína keñic. Némac niñ welen qeçe embac iwac nañanéñ embac ziki sipacya qa-

hac iwac nanaguc momacnec mératéc ménda memaoc zéyec? <sup>31</sup> Imuac dacmuna hécna, neñan imi welenj qeçe embac iwac nambérac héra qahac, néñ embac miñina iwac merachéra wamma kecziñ.

## 5

*Kristonéñ ziki sipac igucnec  
hulac nénécmiyec.*

<sup>1</sup> Zikisipacnina qahac kecbiñ niñac ziki sipac igucnec hulac nénécmiyec. Imuac niñac nanşelima ziki sipacguc kekecac tej hésaya imi muñguc ménda bisiwésémañ.

<sup>2</sup> Ninzu? Paulo neñ mia énézézua, ini séwi tasé hericheric meénéc mimuiguc imi Kristo imi onac muru eñomia wammac. <sup>3</sup> Muñguc zéauma énézéwa, ic méréneñ séwi tasé hericheric memimia wammaciguc inéñ héna ac moczonj wamma medacmac ac hezac. <sup>4</sup> Héna ac qeriaiguc ic solañja zéénécmimac niñac wanzu ini Kristoguc toro qeqeya imi tegicma goi héihéi igucnec metecgé énécmimia wanzac. <sup>5</sup> Neñan imi uñja téréyanéñ nanjé nénécmiyu ninzénj ninzénjiguc solañ dindiña zénéneñcmiyu nimbiñ zé niñkumuma mambécanziñ. <sup>6</sup> Kristo Yesuac qeriaiguc imi séwi tasé heric herira zéma ménda hericherira imi aigira qahac, néñ imuaru imi Anutuac siñ qeriaiguc ai meanzac ninzénj ninzénj imi sac hezac.

<sup>7</sup> Ini usuñnec hiabianec keñançic, néñ méréneñ ackuazéc héla imi ménda tohomu niñac héric énécmiyec? <sup>8</sup> Zéhinoc ac imuhucya imi unuruma héihéré énécmiyec Anutu iwac murunec ménda

hicñiyec. <sup>9</sup> Ninzu, yis komoranéñ saima uha dokuyaguc imi moczoñ sécgéanzac. <sup>10</sup> Eneñ niniñ tosara ménda aṅgétimu imi Miñ Kewuninawac qeriaiguc ninzéngezua. Wañu ic mérénéñ mēñ ewa soho mihicñi énécmimac imi kitiwa memac. <sup>11</sup> Dacmuna hécná, ni séwi tasé hericheric imuac hénia zéau énécmima kecbinec hénia némac niñac nuhéi wambunec? Imuhuc wambinec ic héñgeña wéndara imi aunénéña wañu iminén hénana ménda kizicgéwacnec. <sup>12</sup> Ic mérénéñ mēñ yéwéri imuhucya mihicñi énécmima keczu imi eneñ séwiya sac qahac, néñ gocmiagina momacnec moczoñ héricdacma kecmu niñac wanzua.

<sup>13</sup> Dacmuna hécná ini ziki sipac qahac kecmu niñ unuruyec. Néñ ziki sipac qahac kekecnéñ usugina wañ énécmiyu séwiac siñgina tohomu niñ nalé titiña ménda mihicñi énécmimac, néñ goi héihéiiguc welen qeamuma kecmu. <sup>14</sup> Imuac mia geñga goiga héi amuanzañ séc imuhucyanec alagawac goiya héimibésémañ zézéya momacguc yominén mia héná ac moczoñ mesolañanizac. <sup>15</sup> Ini mia eñawunec kuanéñ injima qécgéamuma qahac wambu niñac goro ac énézézua.

*Anutuac Uña zéma séwininawac siñ.*

<sup>16</sup> Wañu mia yomuhuc zézua; Ini Uña téréyawac méndacmima hakagina wammu. Imuhuc wañgic séwiginawac siñsiñ imi ménda seligimac. <sup>17</sup> Séwiac siñsiñ iminén Uña Téréya qetalimianzac. Wañu imuhucyanec uña téréyawac siñsiñ iminén séwiac siñsiñ qetalimianzac. Imuac siñsiñ éréhécnéñ hazéc wañamuma euyic haka mēñ wambin zé ninzu imi wammuc séc qahac

wananzac. <sup>18</sup> Uña téréyanéñ hénagina walac andu wanj énécmimac imi ini hena acac méra bawu ménda kecmu. <sup>19</sup> Séwias haka silic imi usuya qahac hémma nindacziñ. Imi mia kaisero, niniñ zapi qeqeya, haka gamu qeqeya, <sup>20</sup> baniara mepé qepési, suña zinac, hazéc hazéc kekec, danpero ac, nimbupuc biria, qeri bélan, tualefic, féngéc, téamuma kekec, ackuazéc ikorawac téamuma kekec <sup>21</sup> wanna wamba, doku selia nene, nezéléléñ, zéma haka imuhucya tosara mia. Becnec zéseli énécmiyi imuac séc zéseli énécmizua. Haka imuhucya wammu imi eneñ Anutuac héngalen ama areña yanda imi mératéc ménda memuac hezac.

<sup>22</sup> Wanu uña téréyawac héla gocmia imi mia yomuhuc. Goi héihéi, ségiségi, luae, qeri bénzén, ala kekec, ehéihéi, ménzézé ménzéya qahac, <sup>23</sup> gum bénzénzén, qerinéñ sigisigi kekec, haka imuhucyawac imi hena ac ménnéñ mén neuñ ménda héianzac. <sup>24</sup> Kristo Yesuac ic embachéra imi eneñ séwigina zéma imuac siñsiñ imi ic héngena wéndaraiguc qedacgic. <sup>25</sup> Neñañ uña téréyaguc kecziñiguc uña téréyaguc qéhéréngéma tacyac wambiñ. <sup>26</sup> Edamu asaha enjomawac ménda wamma enacnec nimbupuc biria ménda wamma qeri netunetu ménda wanjamumu.

## 6

### *Baocgé amuma kecmu.*

<sup>1</sup> Dacmuna hécna ic ménnéñ bélacgéma kápésic mén wanu winiñu hicñiyu ic téréya ini qerigina gum bénzénzén anec mindiñi mima enañ

hakagina acguc niñgési amuma eñañ acguc manam batuciguc embu niñac wamma bac yandi yandi wamma kecmu. <sup>2</sup> Réwérigina imi wagic amuma bisimu. Imuhuc wamma Kristoac héna ac niñtohodacmu. <sup>3</sup> Ic méñnéñ eñomia kecma eñeyawac niñu tosara onogicma eñeña wañu ic imi ikoc wañamuzac. <sup>4</sup> Icyá icya eñeya wawañ memeya héñgaleñ wañamumac. Imuhuc wañu zézé ségiségi ac imi tosara ionac muru qahac, néñ eñeya wawañ memeyaiguc sac hemimac. <sup>5</sup> Eñeya réwéria imi eñeyaoc bisimac. <sup>6</sup> Ic méñ ackuazéc kumimia wamma niniñ niñareñ géanzac inéñ iwac iwawaiya hiabia moczoñ ic kumianzac imiguc momacnec amunec qamunec wammaoc. <sup>7</sup> Ic méñnéñ iwawai méñ himicmac imi héla imuacnec sac metocgéanzac. Imuac niñac ini eñaoc ikoc ménda wañamumu. Anutu imi ménda zédesi wammimia. <sup>8</sup> Eñeya séwíac niñ wamma himicanzac imi séwíya igucnec iwawai hou houyawac metocgémac, néñ uña téréyawac niñac wamma himicanzac inéñ uña téréyawac murunec kekec seli metocgémac. <sup>9</sup> Neñañ haka hiabia wamma kuc mama ménda wambiñ. Kuc mama qahac kecbiñiguc naléya ducñiyu héla gocmia metocgé wambiñ. <sup>10</sup> Imuac nini nalé he nénécmimac imuac séc ic embac moczoñ wawañ meme hiabia wañ énécmiwiñ. Imuhuc wamma ninzéñ ninzéñac héna gésé ionac imi séc méñ nétéréma imuhuc wañ énécmiwiñ.

*Goro ac tetecgia.*

<sup>11</sup> Héñgic yomi mérananéñ kiwi imi kuney kuney o énécmizua. <sup>12</sup> Ic tosara séwiiguc kiwi hi-



abia mewiñ zé wanzu imi enej hinocgé énécmima séwi tasé hericheric meénécmianzu imi Kristoac ic héngença wéendaraya niñac wamma unnesi ménda mihicñiwñ zéma imuhuc wañanzu. <sup>13</sup> Wañu séwi tasé hericheric meénécmimia imi enej acguc eñac siñginanéñ héna ac ménda tohoma ini séwi tasé hericheric memu niñ zéanzu imi séwi tasé hericheric ic zañgégina olomma séwi eñej wambiñ zé imuhuc wañanzu. <sup>14</sup> Wañu nuac muru imi Yesu Kristoac ic héngença wéndara imi qahac wañu, méñac méñ zézé ségiségi ac wammañac méñ ménda henéñzac. Kristoac niñ wamma baec imi nuac muru ic héngença wéndaraiguc humuyu ni acguc baecac muru humuyi. <sup>15</sup> Séwi tasé heric herira zéma ménda hericherira imi moczoñ eñomia, néñ kekec qelia meme imi sac eeyaguc wanzac. <sup>16</sup> Haka silic yomi tohomu onac muru zéma Anutuac Israel ic onac muru luae zéma goi héihéianéñ he énécmimac.

<sup>17</sup> Degucmuacnec méñnéñ méñ réwéri méñ ménda mihicñi némmu. Ni imi séwinaiguc Yesuac lépéc kiwiya heyu késa keczua.

<sup>18</sup> Dacmuna hécna Miñ Kewunina Yesu Kristoac ewa hianéñ onac ewa qeriginaiguc hema kecmac. Hélacnec!

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665